



Broj: 13/01-05-9791/17
Sarajevo, 13.04.2017. godine

SKUPŠTINA KANTONA SARAJEVO

N/r Prof. Ana Babić, predsjedateljica

Zastupnik Semir Halilović, na 26. Radnoj sjednici Skupštine Kantona Sarajevo, održanoj dana 22.03.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo je zastupničku inicijativu za vršenje javnih nabavki u Kantonu Sarajevo od privrednih društava koja zapošljavaju osobe sa invaliditetom. S tim u vezi dajemo slijedeći:

ODGOVOR

Podnijetu predmetnu inicijativu sa aspekta nadležnosti Ministarstva za rad, socijalnu politiku, raseljena lica i izbjeglice Kantona Sarajevo, smatramo prihvatljivom. S tim u vezi, u narednom periodu uputit ćemo preporuku svim ustanovama za rad i zapošljavanje i socijalnu politiku, čiji osnivač je Kanton Sarajevo, da u skladu sa članom 9. Zakona o javnim nabavkama ("Službeni glasnik BiH" broj: 39/14), te članom 50. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije Bosne i Hercegovine" broj: 9/10) u svojim planovima javnih nabavki, shodno svojim potrebama i mogućnostima, te raspoloživim vrstama roba i usluga planiraju i nabavke koje dobavljaju privredna društva koja zapošljavanju više od 50% osoba sa invaliditetom, a koji ne mogu obavljati poslove u normalnim uslovima, odnosno koje dobavljaju zaštitne radionice i samostalne djelatnosti u vlasništvu lica sa invaliditetom.

Pripremio: Miralem Dedović, stručni saradnik
Kontrolisala: Enisa Dedić




MINISTRICA

Amela Dautbegović

Dostaviti:
1. Naslovu,
2. a/a.





92. 11394
ARF

Broj: 01-05-9791/17
Sarajevo, 27.03.2017. godine

03-14-2017

VLADA KANTONA SARAJEVO
n/r premijera

SVIM MINISTARSTVIMA
KANTONA SARAJEVO



Zastupnik Semir Halilović je na 26. Radnoj sjednici Skupštine Kantona Sarajevo, održanoj 22.03.2017. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu za vršenje javnih nabavki u Kantonu Sarajevo od privrednih društava koja zapošljavaju osobe sa invaliditetom.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“- Drugi novi prečišćeni tekst, broj:(41/12, 15/13, 47/13, 47/15 i 48/16), u pisanom obliku, obavijestite Skupštinu o učinjenom.

Prilog: Inicijativa Semira Halilovića

CO:
-sekretar SKS
-sekretar Vlade Kantona



Semir Halilović, zastupnik u Skupštini Kantona Sarajevo ispred BPS-a

SKUPŠTINA KANTONA SARAJEVO

n/r predsjedateljice Ana Babić

PREDMET: Zastupnička inicijativa, dostavlja se

ZA: VLAĐA KS, MINISTARSTVIMA - SVIM

U okviru tačke Dnevnog reda " Poslanička pitanja, inicijative i odgovori", predlažem zastupničku inicijativu za vršenje javnih nabavki u Kantonu Sarajevo od privrednih društava koje zapošljavaju osobe sa invaliditetom.

O B R A Z L O Ž E N J E

Da li se prilikom provođenja procedura u skladu sa aktuelnim zakonskim propisima u postupku javnih nabavki organi uprave i drugi koji podliježu primjeni ovog zakona, pridržavaju onih zakonskih odredbi kojima su propisana izuzeća, rezervacije i preferencijali, posebno u odnosu na privredna društva koji upošljavaju osobe sa invaliditetom?

Zakon o javnim nabavkama član. 9 propisuje da Ugovorni organ može u planu javnih nabavki definirati postupke rezervirane samo za kandidate, ponuđače koji u odnosu na ukupan broj zaposlenih imaju više od 50% lica sa invaliditetom. Svaki ugovorni organ prema ovoj zakonskoj definiciji može neke nabavke izvršiti neposredno od rezerviranih ponuđača kao što su privredna društva koja zapošljavaju invalide, a pri tome je nevažno da li je riječ o civilnim ili RVI. Prema navedenom imamo mogućnost pomoći održivost ovih firmi i kao društvo istaći poseban senzibilitet za ovu kategoriju lica, a nemam primjera da se tako nešto u realnosti i dešava.

Napr. Zašto organi Kantona ~~ili Federacije~~ ne bi od firmi koje zapošljavaju lica sa invaliditetom nabavljali kancelarijski materijal, suvenire, ugostiteljske usluge i sl.

Ova vrsta obaveze Ugovornim organima proizilazi i iz Zakona o profesionalnoj rehabilitaciji, osposobljavanju i upošljavanju osoba sa invaliditetom Federacije BiH koji u članu 50. stav 2. u okviru Poglavlja „Olakšice pri upošljavanju osoba sa invaliditetom“ propisuje da : „ Ugovorno tijelo obvezatno primjenjuje preferencijalni tretman od 20% ukupnih uvjeta tendera sukladno Zakonu o javnim nabavkama.“ Ova obaveza odnosi se na privredna društva za upošljavanje osoba sa invaliditetom osnovanim od strane Federacije, kantona, općina, gospodarskih društava, ustanova, kao i od drugih pravnih i fizičkih osoba. To podrazumijeva i da su u okviru ove olakšice kroz preferencijal uključena i privredna društva osnovana od strane boračkih ili drugih udruženja napr. RVI ili RVI paraplegičara, udruženja slijepih i sl.

Prema navedenom mi imamo zakonsko uporište za nabavku od firmi koje upošljavaju invalide, a tu zakonsku odredbu, po meni beneficiju, ne koristimo.

Sarajevo, ~~18~~03.2017. godine

ZZ

S  ✓

vrijednost manja od vrijednosnih razreda iz člana 14. st. (2) i (3) ovog zakona, bit će uređeni posebnim pravilnikom koji će donijeti Vijeće ministara BiH, na prijedlog Ministarstva vanjskih poslova Bosne i Hercegovine i uz prethodnu saglasnost Agencije.

Član 9.
(Rezervirani ugovori)

- (1) Ugovorni organ može u planu nabavki definirati postupke javne nabavke rezervirane samo za kandidate, odnosno ponuđače koji zapošljavaju, u odnosu na ukupan broj zaposlenih, više od 50% lica s invaliditetom, a koji ne mogu obavljati poslove u normalnim uslovima.
- (2) U obavještenju o javnoj nabavci ugovorni organ mora naznačiti da je postupak javne nabavke rezerviran isključivo za privredne subjekte iz stava (1) ovog člana.

Član 10.

(Izuzeca od primjene odredbi ovog zakona)

- (1) Od primjene ovog zakona izuzimaju se:
- a) ugovor o javnoj nabavci koji je zakonima u Bosni i Hercegovini proglašen državnim tajnom;
 - b) ugovor o javnoj nabavci čije izvršenje zahtijeva posebne mjere sigurnosti, u skladu sa zakonima u Bosni i Hercegovini;
 - c) ugovor koji se dodjeljuje u skladu s međunarodnim sporazumom prema kojem se primjenjuje posebna procedura međunarodnih, kreditnih ili donatorskih aranžmana ili ugovor o javnoj nabavci koji je zaključen u skladu s posebnim pravilima definiranim međunarodnim ugovorom između Bosne i Hercegovine i jedne ili više država za projekte koje će ugovorne strane zajednički izvoditi ili koristiti, ili na osnovu međunarodnih sporazuma o stacioniranju trupa koje zaključuju Bosna i Hercegovina;
 - d) ugovor o javnoj nabavci prirodnih i zakonskih monopola, a koji mogu uključiti nabavku vode, električne energije, plina, toplotne energije i drugih usluga, do otvaranja relevantnog tržišta za konkurenciju;
 - e) ugovor o kupovini ili zakupu postojećih zgrada, druge nepokretne imovine, zemljišta ili prava koja iz njih proističu, bilo kojim finansijskim sredstvima, uz obavezu ugovornog organa da osigura transparentnost te procedure, s tim što nabavka finansijskih usluga za kupovinu ili zakup postojećih zgrada, druge nepokretne imovine, zemljišta ili prava koja iz njih proističu, istovremeno, prije ili nakon ugovora o kupovini ili zakupu, u bilo kojem obliku, podliježe provođenju jednog od postupaka definiranih ovim zakonom;
 - f) ugovor koji za predmet ima usluge iz Aneksa II. Dio C ovog zakona.
- (2) Koncesioni ugovori dodjeljuju se u skladu sa zakonima o koncesijama u Bosni i Hercegovini.
- (3) Ugovori o javno-privatnom partnerstvu dodjeljuju se u skladu sa zakonskim propisima o javno-privatnom partnerstvu.

Član 11.
(Povjerljivost)

- (1) Povjerljivim podacima ne mogu se smatrati:
- a) ukupne i pojedinačne cijene iskazane u ponudi;
 - b) predmet nabavke, odnosno ponudena roba, usluga ili rad, od koje zavisi poređenje s tehničkom specifikacijom i ocjena da li je određeni ponuđač ponudio robu, usluge ili rad u skladu s tehničkom specifikacijom;

c) potvrde, uvjerenja od kojih zavisi kvalifikacija vezana za ličnu situaciju kandidata/ponuđača.

- (2) Ako kandidat/ponuđač kao povjerljive označi podatke koji, prema odredbama stava (1) ovog člana, ne mogu biti proglašeni povjerljivim podacima, oni se neće smatrati povjerljivim.
- (3) Nakon javnog otvaranja ponuda nijedna informacija u vezi sa ispitivanjem, pojašnjenjem ili ocjenom ponuda ne smije se otkrivati nijednom učesniku u postupku ili trećem licu prije nego što se odluka o rezultatu postupka ne saopći učesnicima u postupku.
- (4) Učesnici u postupku javne nabavke ni na koji način ne smiju neovlašteno prisvajati, koristiti za vlastite potrebe niti prosljediti trećim licima podatke, rješenja ili dokumentaciju (informacije, planove, crteže, nacрте, modele, uzorke, kompjuterske programe i dr.) koji su im stavljeni na raspolaganje ili do kojih su došli na bilo koji način u toku postupka javne nabavke.
- (5) Nakon prijema odluke o izboru najpovoljnijeg ponuđača ili odluke o poništenju postupka nabavke, a najkasnije do isteka roka za žalbu, ugovorni organ će po prijemu zahtjeva ponuđača, a najkasnije u roku od dva dana od dana prijema zahtjeva, omogućiti uvid u svaku ponudu, uključujući dokumente podnesene u skladu s članom 45. stav (2) ovog zakona, kao i pojašnjenja originalnih dokumenata u skladu s članom 68. stav (3) ovog zakona, sa izuzetkom informacija ponuđača označenih kao povjerljive u skladu s ovim članom.

Član 12.

(Upotreba jezika)

- (1) Ugovorni organ dužan je pripremiti tendersku dokumentaciju u vezi s postupcima javne nabavke na jednom od jezika u službenoj upotrebi u Bosni i Hercegovini.
- (2) Ugovorni organ može dodatno pripremiti tendersku dokumentaciju i na engleskom ili drugom stranom jeziku, s tim da je dužan sačuvati cjelovitost sadržaja informacija iz tenderske dokumentacije pripremljene na jednom od jezika u službenoj upotrebi u Bosni i Hercegovini.
- (3) Ponuđač podnosi ponudu na jednom od jezika u službenoj upotrebi u Bosni i Hercegovini. Štampana literatura, brošure, katalogi ili slično prilažu se bez prijevoda, izuzev ako ugovorni organ tenderskom dokumentacijom ne zahtijeva da se i ti dijelovi prevedu.

Član 13.

(Komisija za nabavke)

- (1) Za provođenje otvorenog postupka, ograničenog postupka, pregovaračkog postupka s objavom obavještenja i bez objave obavještenja, konkursa za izradu idejnog rješenja, takmičarskog dijaloga i konkurentskog zahtjeva za dostavljanje ponuda ugovorni organ obavezan je imenovati komisiju za nabavke.
- (2) Uspostavljanje i rad komisije za nabavke regulira se podzakonskim aktom koji donosi Vijeće ministara BiH.

DIO DRUGI - TOK POSTUPKA JAVNE NABAVKE
POGLAVLJE I. POČETAK, VRSTE I IZBOR POSTUPKA
JAVNE NABAVKE

Odjeljak A. Početak postupka javne nabavke

Član 14.

(Vrijednosni razredi)

- (1) Za nabavke vrijednosti manje od 50.000,00 KM, u slučaju robe i usluga, ili 80.000,00 KM, u slučaju radova, ugovorni organ može primijeniti jedan od postupaka utvrđenih ovim zakonom, izuzev direktnog sporazuma, uz obavezu ispunjenja propisanih uslova za svaki postupak.

Član 50.

Subjekti iz člana 15. stav 2. ovog Zakona, osim privrednih društava čiji većinski vlasnik kapitala nije država, dužni su najmanje 35% od svojih potreba za proizvodima i uslugama koje proizvode i pružaju privredna društva za zapošljavanje lica sa invaliditetom, zaštitne radionice i samostalne djelatnosti u vlasništvu lica sa invaliditetom, zadovoljavati od ovih privrednih društava, zaštitnih radionica i samostalnih djelatnosti u vlasništvu osoba sa invaliditetom, pod uvjetima koji važe na tržištu.

Ugovorni organ obavezno primjenjuje preferencijalni tretman od 20% od ukupnih uvjeta tendera u skladu sa Zakonom o javnim nabavkama.

Obim poslova iz stava 1. ovog člana utvđjuje se na početku svake kalendarske godine ugovorom između subjekata iz člana 15. stav 2. ovog zakona i privrednih društava za zapošljavanje lica sa invaliditetom, zaštitnih radionica i samostalnih djelatnosti u vlasništvu lica sa invaliditetom.
